



« 26 » март 2020 йил

№ 187

Данғара шаҳарчаси

Данғара туманидаги транспорт воситаларини 2020 йилда мажбурий техник кўриқдан ўтказиш ҳақида

Ўзбекистон Республикаси Вазирлар Маҳкамасининг 2003 йил 31 январдаги 54-сонли қарори билан тасдиқланган “Транспорт воситаларини мажбурий техник кўриқдан ўтказиш тартиби тўғрисида”ги Низомга мувофиқ, юридик ва жисмоний шахсларга, шунингдек, хорижий юридик ва жисмоний тегишли бўлган ва белгиланган тартибда Ўзбекистон Республикаси Ички ишлар вазирлигининг Давлат йўл ҳаракати хавфсизлиги хизмати органларида рўйхатдан ўтказилган транспорт воситаларининг (кейинги ўринларда матнда “транспорт воситаларининг” деб юритилади) техник кўриқдан ўтказишни ташкил қилиш мақсадида, “Маҳаллий давлат ҳокимияти тўғрисида”ги Ўзбекистон Республикаси Қонунининг 6-моддасига асосан,

ҚАРОР ҚИЛАМАН:

1. Данғара туманидаги транспорт воситалари ва уларга тиркамалар 2020 йилда белгиланган тартибда мажбурий техник кўриқдан ўтказилсин.

2. Данғара туманида транспорт воситаларини мажбурий техник кўриқдан ўтказиш бўйича комиссия таркиби 1-иловага, рўйхатга олинган юридик шахсларга тегишли транспорт воситаларини 2020 йил учун мажбурий техник кўриқдан ўтказиш жадвали 2-иловага мувофиқ тасдиқлансин.

3. Данғара туманидаги транспорт воситалари жорий йилда қуйидаги даврийликка мувофиқ; тижорат асосида йўловчилар ташиш учун фойдаланиладиган енгил автомобиллар, автобуслар ва ўтириладиган жойлар сони 8 та ва ундан ортиқ бўлган (ҳайдовчининг ўрнидан ташқари), одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун маҳсус транспорт воситалари ҳамда уларга тиркамалар, бир йилда икки марта (биринчи марта 2020 йил 1 мартдан 30 июнгача, иккинчи марта 2020 йил 1 сентябрдан 31 октябргача);

ишлаб чиқарилганлигига беш йилдан кўп бўлмаган (ишлаб чиқарилган йили ҳам шу жумлага киради) транспорт воситалари, одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун маҳсус транспорт воситалари ҳамда уларга тиркамалар, бир йилда икки марта;

ишлаб чиқарилганлигига беш йилдан ортиқ бўлган транспорт воситалари, шунингдек, ишлаб чиқарилган вақти аниқланмаган транспорт воситалари, яъни одамларни мунтазам ташиш учун жиҳозланган автомобиллар, йирик габаритли, оғир вазнли ва хавфли юкларни ташиш учун махсус транспорт воситалари ва уларга тиркамалардан ташқари) бир йилда бир марта;

юридик шахсларга тегишли бўлган транспорт воситаларининг техник кўриқдан 2020 йилнинг 1 мартдан 30 июнгача ўтказилади.

4. Данғара тумани ИИБ ЙҚХГ жадвалига мувофиқ, мазкур қарорнинг 2-иловасидаги юридик шахсларга тегишли, одамларни мунтазам ташиш учун жиҳозланган юк автомобиллари йирик габаритли, оғир вазнли ва хавфли юкларни ташиш учун махсус транспорт воситалари ҳамда уларга тиркамаларнинг техник кўриги ДЙҚХХ ходимлари иштирокида, тузилган шартнома асосида автомобилларнинг техник қарови ва таъмир ишларини бажариш учун қулайликлар мавжуд бўлган тадбиркорлик субъектларида ўтказилиши инобатга олинсин.

5. Жисмоний шахсларга қарашли бўлган қарашли бўлган транспорт воситаларининг техник кўриги 2020 йилнинг 4 январидан жорий йилнинг 31 августигача ўтказилади.

6. Транспорт воситаларини техник кўриқдан ўтказганлик учун қонун ҳужжатларида белгиланган тартибда йиғим ундирилади.

7. Туман ҳокимининг ўринбосари М.Холмирзаев ва туман ИИБ ЙҚХГ (Ф.Бойқўзиёв):

Ўзбекистон Республикаси Вазирлар Маҳкамасининг 2003 йил 31 январдаги “Транспорт воситаларини мажбурий техник кўриқдан ўтказиш тартиби тўғрисидаги Низомни тасдиқлаш ҳақида”ги 54-сонли қарорининг 3-бандига мувофиқ, Ўзбекистон Республикаси Мудофаа вазирлиги, Ички ишлар вазирлигининг ички ва соқчилик қўшинлари, Давлат хавфсизлик хизматининг ҳарбий бўлинмалари транспорт воситаларини кўрсатиб ўтилган идоралар томонидан мажбурий техник кўриқдан ўтказилиши инобатга олинсин.

8. Данғара тумани ИИБ ЙҚХГ (Ф.Бойқўзиёв)га:

Транспорт воситаларини техник кўриқдан ўтказиш тартиби ҳақида “Данғара” рўзномаси орқали омма эътиборига етказиш ишлари ташкиллаштириш;

юридик шахсларга тегишли транспорт воситаларини техник кўриқдан ўтказишда юридик шахсга, тегишли ҳужжатларни илова қилинган ҳолда, техник кўриқ ўтказиладиган муддатлар тўғрисидаги билдиришнома юборилиши, техник кўриқ бошланишидан камида ўн кун олдин юридик шахсдан тегишли ҳужжатлар талаб қилиш;

жисмоний шахсларга тегишли транспорт воситаларини техник кўриқдан ўтказиш учун қонун ҳужжатларида транспорт воситаси эгасидан ёки унга ваколатли шахсдан ҳужжатлар талаб қилиш;

техник кўриқка қўйилган, бироқ техник носозлик туфайли кўриқдан ўтмаган автомобиллар фойдаланиш учун қўйилмаслигини назоратга олиш;

техник кўриқдан ўтказилмаган транспорт воситаларини йўлга чиқарган комиссия таркибидаги масъул ходимлар қонун ҳужжатларида жавобгарликка тортилиши ҳақида огоҳлантириш вазифаси юклатилсин.

9. Мажбурий техник кўриқ давомида комиссия тартибида иш олиб борган ходимларнинг доимий иш жойларидаги иш ҳақлари сақланиб қолиниши инобатга олинсин.

10. Мазкур қарор расмий эълон қилинган кундан эътиборан кучга киради.

11. Мазкур қарор ижросини назорат қилиш туман ҳокимининг ўринбосари М.Холмирзаев зиммасига юклатилсин.

Туман ҳокими в.б.:



А.Абдуллаев